



O‘ZBEKISTON RESPUBLIKASI TOSHKENT SHAHAR HOKIMINING QARORI

2024 - yil 2 - aprel

215-14-0-Q/24

Toshkent shahar hokimligi

“Veolia Energy Tashkent” MChJ XK tomonidan ko‘rsatiladigan issiqlik ta‘minoti xizmatlari uchun tartibga solinadigan yangi narxlar (tariflar)ni tasdiqlash to‘g‘risida

O‘zbekiston Respublikasi “2021-yil uchun O‘zbekiston Respublikasining davlat budjeti to‘g‘risida”gi Qonunining 13-moddasigaga muvofiq, O‘zbekiston Respublikasi Vazirlar Mahkamasining “Toshkent shahri issiqlik ta‘minoti tizimini davlat-xususiy sheriklik asosida rivojlantirish to‘g‘risida” 2021-yil 22-sentabrdagi 594-son ba “Yoqilg‘i-energetika sohasida bozor mexanizmlarini joriy etishning qo‘shimcha chora-tadbirlari to‘g‘risida” 2023-yil 15-sentabrdagi 475-son qarorlariga, O‘zbekiston Respublikasi Bosh vaziri o‘rinbosarining 2024-yil 17-yanvardagi 03/1-3480-sonli topshirig‘iga asosan hamda xalq deputatlari Toshkent shahar Kengashining “Toshkent shahrida issiqlik ta‘minoti xizmatlari uchun tartibga solinadigan narxlar (tariflar)ni ko‘rib chiqish to‘g‘risida” 2024-yil 13-fevraldagi VI-97-18-14-0-K/24-son qarori ijrosini ta‘minlash maqsadida,

QAROR QILAMAN:

1. Quyidagilar:

Xalq deputatlari Toshkent shahar Kengashining “Toshkent shahrida issiqlik ta‘minoti xizmatlari uchun tartibga solinadigan narxlar (tariflar)ni ko‘rib chiqish to‘g‘risida” 2024-yil 13-fevraldagi VI-97-18-14-0-K/24-son

qarori bilan “Veolia Energy Tashkent” MChJ XK tomonidan ko‘rsatiladigan markazlashgan issiqlik ta‘minoti xizmatlari uchun narx (tarif) aholi uchun 105 754 so‘m/Gkal (QQSsiz) tarif darajasida ma‘qullanganligi;

Toshkent shahar hokimining “Toshkent shahrida 2023-2024-yildagi isitish mavsumini yakunlash to‘g‘risida” 2024-yil 25-martdagi 193-14-0-Q/24-son qarori bilan Toshkent shahridagi markazlashgan issiqlik ta‘minotidan foydalanuvchi iste‘molchilarni issiqlik bilan ta‘minlash, isitish mavsumini 2024-yil 26-mart soat 24-00 da yakunlanganligi inobatga olinsin.

2. 2024-yil 2-apreldan boshlab “Veolia Energy Tashkent” MChJ XK tomonidan ko‘rsatiladigan markazlashgan issiqlik ta‘minoti xizmatlari uchun tartibga solinadigan bazaviy narxlar (tariflar) 664 465 so‘m/Gkal (QQSsiz) darajasida (amaldagi darajada saqlanib qolganligi) va aholi uchun 105 754 so‘m/Gkal (QQSsiz) tarif darajasida tasdiqlansin.

3. Toshkent shahar hokimining birinchi o‘rinbosari (X.Shakirov), Toshkent shahar Iqtisodiyot va moliya bosh boshqarmasi (Z.Ganiyev):

har yili Toshkent shahar mahalliy budjeti parametrlarini shakllantirishda aholiga issiqlik energiyasi va issiq suvga pasaytirilgan tariflarni qo‘llash natijasida yuzaga keladigan zararlarni qoplash va investitsion xarajatlarni qoplash uchun zarur subsidiya mablag‘larini nazarda tutsin;

aholiga issiqlik ta‘minoti xizmatlari bo‘yicha pasaytirilgan tariflar qo‘llanilishi natijasida yuzaga keladigan zararlar va investitsion xarajatlarga asoslantirilgan hisob-kitoblarga muvofiq Toshkent shahar mahalliy budjeti hisobidan har oyda subsidiyalar ajratish orqali qoplab berilsin.

Bunda, subsidiya mablag‘lari “Veolia Energy Tashkent” MChJ XK va Toshkent shahar Davlat-xususiy sheriklik bo‘limi tomonidan taqdim qilinadigan hisob-kitoblarga ko‘ra o‘zgarmas, o‘zgaruvchan xarajatlar hamda investitsion xarajatlarga bo‘lingan holda moliyalashtirib berilishi ko‘zda tutilsin.

4. Toshkent shahar hokimining birinchi o‘rinbosari (X.Shakirov) va Davlat-xususiy sheriklik bo‘limi (J.Isroilov)ga loyiha bo‘yicha ishlarni

tashkil etish, jamg'arma mablag'larini boshqarish va hisobini yuritish hamda bitimga davlat sherigining to'liq va so'zsiz amal qilishini ta'minlash, xususiyl sherikning majburiyatlari ijrosi monitoringini olib borish vazifalari yuklansin.

5. Toshkent shahar hokimi o'rinbosari (A.Xen), Toshkent shahar hokimligi Matbuot xizmati:

mazkur qaror rasmiy e'lon qilinishi va www.toshkent.uz veb-saytiga joylashtirilishi ta'minlansin.

6. Ushbu qaror rasmiy e'lon qilingan kundan e'tiboran kuchga kiradi.

7. Mazkur qarorning ijrosini nazorat qilish Toshkent shahar hokimining birinchi o'rinbosari X.Shakirov zimmasiga yuklansin.

**Toshkent shahar hokimi
vazifasini bajaruvchi**



Sh.Umurzakov